



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Quòd non permittantur ecclesiastici ad coemiteria hæreticorum accedere.  
ccviii.

**urn:nbn:de:hbz:466:1-10722**

*De quodam clerico à diabolo vexato. Cap. CCV.*

**E**X eodem quoq; tempore quidam Aquinensis Ecclesie clericus daemônio vexabatur, qui à venerabili viro Constantio Ecclesie eius antistite per multa fuit martyru loca transmissus, vt sanari posset. Sed sancti Dei martyres noluerunt ei sanitatis donum tribuere, vt quanta esset in Benedicto gratia demonstrarent. Ductus itaq; est ad omnipotentis Dei famulum Benedictum, qui Iesu Christo domino preces fundens, antiquum hostem de obsessio homine protinus expulit. Cui sanato præcepit dicens: Vade, & post hæc carnem non comedas, & ad sacrum ordinem nunquam accedere præsumas. Quacunque autem die sacrum ordinem temerare præsumptis, statim iuri diaboli iterum manciparis. Discessit itaque clericus sanus, ac sic terretur solet animum pœna recens, ea quæ vir Dei præcepit interim custodiuit. Cùm ergo post annos multos omnes priores illius de hac luce migrassent, & minores suos sibi met superponi in sacris ordinibus cerneret, verba viri Dei quasi ex longo tempore oblitus postposuit, atque ad sacrum ordinem accessit. Quem mox is qui reliquit diabolus tenuit, eumq; vexare quousque animam eius excuteret, non cessauit.

*Ex dialogo Greg. papæ.*

*De rebus Ecclesie quæ mortuo episcopo, à presbyteris vendita fuerint. Cap. CCVI.*

**D**E his quæ pertinent ad Ecclesiam, quacunque, quum non esset episcopus, presbyteri vendiderunt, placuit rescisso cõtractu ad iura ecclesiastica reuocari. In iudicio autem erit episcopi, si precium debeat recipi nec ne: quia plerunq; rerum districtarum reditus ampliorem summam pro precio dato reddiderit.

*Ex conc. Ancirano. ca. 14.*

*De eo qui spernit oblationem presbyteri, qui uxorem habuit. Cap. CCVII.*

**Q**uicunque discernit à presbytero qui uxorem habuit, quod non oporteat eo ministrante de oblatione percipere, anathema sit.

*Ex cõcil. Gangræ. cap. 4.*

*Quod non permittantur ecclesiastici ad cœmeteria hereticorum accedere. Cap. CCVIII.*

**Q**uod non permittantur ecclesiastici ad hæreticorum cœmeteria, vel ad ea quæ ab eis appellatur mar-

*Ex cõcil. Laodicæ. cap. 8.*

tyria orationis causa vel sanitaris accedere. Sed huiusmodi, si fideles fuerint, certo tempore communionem primum. Pœnitentes autem & confitentes se deliquisse, conuenit suscipi.

*Quòd non oporteat ab hæreticis Eulogias accipere.*

*Caput CCIX.*

*Ex eodẽ,  
cap. 32.*

**Q**uòd non oporteat ab hæreticis Eulogias accipere, quæ sunt maledictiones potius, quàm benedictiones.

*Quòd nullus Christianus ad pseudomartyres ire debeat. Cap. CCX.*

*Ex eodẽ  
cap. 34.*

**Q**uòd omnem Christianum non oporteat desere martyres Christi, & ire ad pseudomartyres, id est hæreticorum, & quos ipsos constat hæreticos feceritisse. Hi nanque alienati sunt à Deo. Sint igitur anathema qui ad tales accesserint.

*Quòd non oporteat plebeios Psalmos in Ecclesia recitari. Cap. CCXI.*

*Ex eodẽ  
concilio,  
cap. 59.*

**Q**uòd non oporteat plebeios Psalmos in Ecclesia recitari, nec libros præter canonem legi, sed sola sacra volumina noui testamenti vel veteris.

*De illis qui conuentus, qui ad confessiones martyrum fiunt, abominantur. Cap. CCXII.*

*Ex concil.  
Antioch.  
cap. 20.*

**S**i quis superbiæ vsus affectu, conuentus abominantur, sed ad confessiones martyrum celebrantur, & ministrantur, quæ in eis fiunt, simul cum eorum memoriis, execrationis anathema sit.

*Vt victus ab exorcistis energumenis in domo Dei sedentibus administretur. Cap. CCXIII.*

*Ex concil.  
Cartha.  
cap. 91.*

**E**nergumenis in domo Dei sedentibus victus quotidianus per exorcistas opportuno tempore ministratur.

*Ut sacra vasa non ab aliis quàm à sacris viris tractari debeant. Cap. CCXIII.*

*Ex decre.  
Sixti pa-  
pe, cap.  
49.*

**C**ognoscat sapientia vestra fratres charissimi, quia hac sancta apostolica sede à nobis & reliquis episcopis, cæterisque domini sacerdotibus statutum est, ut sacra